

答無色亦名無色無色界亦名無色四無色亦名無色今此義中意說四無色名無色諸有多聞聖弟子眾具猛利見者如前說若念有身者有身亦名有身五取蘊亦名有身今此義中意說五取蘊名有身便於名有身心不趣入等如前欲說若念有身滅者有身滅亦名滅擇滅亦名滅今此義中意說擇滅名滅非餘

十二末

說一切有部集異門足論卷第十四 氣四
簿薄字 浸漬 下在 循身 上音 卷縮 下所六反

宣授平江路僧錄安然普雁大師周善祥發心喜捨雕大藏經板一千片并僧錄司又捨中統鈔十定刊雕 大藏秘密經文所集殊勳祝延

皇帝萬萬歲

聖后齊年太子諸王福壽千春文武官僚常居祿位上報佛因下資三有法界衆生同霽利益者

大德十年十月

日意願

阿毗達磨集異門足論卷第十五 氣五

尊者舍利子說 三藏法師玄奘奉詔譯

六法品第七六一

時舍利子復告眾言具壽當知佛於五法自善通達現等覺已為諸弟子宣說開示我等今應和合結集佛滅度後勿有乖諍當令隨

順梵行法律久任利樂無量有情哀愍世間諸天人眾令獲殊勝義利安樂六法云何此中有二 一、唵陀南頌初 唵陀南曰

初六法十種 謂內外識觸 及受想思愛

退不退各六

有六內處六外處六識身六觸身六受身六

想身六思身六愛身六順退法六順不退法六內處者云何為六 一、目內處二、耳內處三、鼻內處四、舌內處五、身內處六、意內處云何眼內處 答若眼於色或已見或今見或當見或彼同分是名眼內處耳鼻舌身意內處隨所應當廣說

六外處者云何為六。一色外處。二聲外處。三香外處。四味外處。五觸外處。六法外處。云何色外處。若色為眼。或已見。或今見。或當見。或彼同分。是名色外處。聲香味觸法外處。隨所應當廣說。

六識身者云何為六。一。眼識身。二。耳識身。

三。鼻識身。四。舌識身。五。身識身。六。意識身。云何眼識身。若眼及諸色為緣。生眼識。此中眼為增上。色為所緣。於眼所識色。諸了別性。極了別性。了別色性。是名眼識身。耳。鼻。舌。身。意識身。隨所應當廣說。

六觸身者云何為六。一。眼觸身。二。耳觸身。三。鼻觸身。四。舌觸身。五。身觸身。六。意識身。云何眼觸身。若眼及諸色為緣。生眼識。三和合。故觸。此中眼為增上。色為所緣。於眼所識色。諸觸等觸。等觸性已。觸當觸。是名眼觸身。耳。鼻。舌。身。意識觸身。隨所應當廣說。六受身者云何為六。一。眼觸所生受身。二。

耳觸所生受身。三者鼻觸所生受身。四。舌觸所生受身。五。身觸所生受身。六。意識觸所生受身。云何眼觸所生受身。若眼及諸色為緣。生眼識。三利合。故觸。觸為緣。故受。此中眼為增上。色為所緣。眼觸為因。眼觸等起。眼觸種類。眼觸所生眼觸所起。作意相應於眼所識色。

氣五

二

諸受等受。別受已受。當受是名眼觸所生受身。耳。鼻。舌。身。意識觸所生受身。隨所應當廣說。六想身者云何為六。一。眼觸所生想身。二。耳觸所生想身。三。鼻觸所生想身。四。舌觸所生想身。五。身觸所生想身。六。意識觸所生想身。云何眼觸所生想身。若眼及諸色為緣。生眼識。三和合。故觸。觸為緣。故想。此中眼為增上。色為所緣。眼觸為因。眼觸等起。眼觸種類。眼觸所生眼觸所起。作意相應於眼所識色。諸想等想。現前等想已。想當想。是名眼觸所生想身。耳。鼻。舌。身。意識觸所生想身。隨所應當廣說。六思身者云何為六。一。眼觸所生思身。二。

耳觸所生思身三鼻觸所生思身四舌觸所
 生思身五身觸所生思身六意觸所生思身
 云何眼觸所生思身答眼及諸色為緣生眼
 識三和合故觸觸為緣故思此中眼為增上
 色為所緣眼觸為因眼觸等起眼觸種類眼
 觸所生眼觸所起作意相應於眼所識色諸

思等思現前等思已思當思作心意業是名
 眼觸所生思身耳鼻舌身意觸所生思身隨
 所應當廣說

六愛身者云何為六答一眼觸所生愛身二
 耳觸所生愛身三鼻觸所生愛身四舌觸所
 生愛身正身觸所生愛身六意觸所生愛身

氣五

三

云何眼觸所生愛身答眼及諸色為緣生眼
 識三和合故觸觸為緣故受受為緣故愛此
 中眼為增上色為所緣於眼所識色諸貪等
 貪執藏防護耽著愛樂是名眼觸所生愛身
 耳鼻舌身意觸所生愛身隨所應當廣說
 六順退法者云何為六答一於佛不恭敬住

二於法不恭敬住三於僧不恭敬住四於學
 不恭敬住五具惡言六遇惡友於佛不恭敬
 住者云何於佛不恭敬性答於佛世尊諸不
 恭敬性不等恭敬性不與自在性不等與自
 在性是名於佛不恭敬性於法於僧於學亦
 具惡言者云何惡言性答如前惡語說遇

惡友者云何惡友性答如前惡友說

六順不退法者云何為六答一於佛有恭敬
 住二於法有恭敬住三於僧有恭敬住四於
 學有恭敬住五具善言六遇善友於佛有恭
 敬住者云何於佛有恭敬性答於佛世尊諸
 恭敬性有恭敬性有與自在性有怖隨自在

轉性是名於佛有恭敬性於法於僧於學亦
 具善言者云何善言性答如前善語說遇
 善友者云何善友性答善友謂佛及佛弟子
 廣說乃至行遠離癡調伏癡行是名善友性
 若於如是善友諸習近等習近親近等親近
 恭敬承事是名遇善友後嗚柁南曰

後六有十四 謂喜憂捨恒 界出根情通
明念上觀類

有六喜近行六憂近行六捨近行六恒住六
界六出離界六諍根法六可憍法六通六順
明分想六隨念六無上法六觀待六生類
六喜近行者云何為六答一眼見色已順喜

處色近行二耳聞聲已順喜處聲近行三鼻
嗅香已順喜處香近行四舌嘗味已順喜處
味近行五身覺觸已順喜處觸近行六意了
法已順喜處法近行眼見色已順喜處色近
行者謂眼見色已於一向可愛一向可樂一
向可欣一向可意色以順喜處作意思惟若

於此色由順喜處作意思惟所生喜受是名
眼見色已順喜處色近行耳鼻舌身意喜近
行亦尔

六憂近行者云何為六答一眼見色已順憂
處色近行二耳聞聲已順憂處聲近行三鼻
嗅香已順憂處香近行四舌嘗味已順憂處

味近行五身覺觸已順憂處觸近行六意了
法已順憂處法近行眼見色已順憂處色近
行者謂眼見色已於一向不可愛一向不可
樂一向不可欣一向不可意色以順憂處作
意思惟若於此色由順憂處作意思惟所生
憂受是名眼見色已順憂處色近行耳鼻舌
身意憂近行亦尔

六捨近行者云何為六答一眼見色已順捨
處色近行二耳聞聲已順捨處聲近行三鼻
嗅香已順捨處香近行四舌嘗味已順捨處
味近行五身覺觸已順捨處觸近行六意了
法已順捨處法近行眼見色已順捨處色近

行者謂眼見色已於非可愛非不可愛非可
樂非不可樂非可欣非不可欣非可意非不
可意色以順捨處作意思惟若於此色由順
捨處作意思惟所生捨受是名眼見色已順
捨處色近行耳鼻舌身意捨近行亦尔
六恒住者云何為六答一眼見色已不喜不

憂具念正知恒安住捨二耳聞聲已不喜不
憂具念正知恒安住捨三鼻嗅香已不喜不
憂具念正知恒安住捨四舌嘗味已不喜不
憂具念正知恒安住捨五身覺觸已不喜不
憂具念正知恒安住捨六意了法已不喜不
憂具念正知恒安住捨眼見色已不喜不憂
具念正知恒安住捨者謂眼見色於可愛不
可愛可樂不可樂可欣不可欣可意不可意
或所依止或等無間或所緣或處所或增上
色以順捨處作意思惟若於此色由順捨處
作意思惟所生妙捨是名眼見色已不喜不
憂具念正知恒安住捨耳鼻舌身意恒住亦
亦問此中捨者何所謂耶答心平等性心正
直性心無警覺任運住性應知此中說名為
捨復次有說六識相應綠色聲香味觸法境
捨受名捨今此義中應知意說心平等性心
正直性心無警覺任運住性行捨名捨
六界者云何為六答一地界二水界三火界

四風界五空界六識界分別此六如法蘊論
六出離界者云何為六答一有具壽作如是
言我於慈心定雖已習已修已多所作而我
心猶為瞋所纏縛應告彼曰勿作是言所以
者何若有具壽於慈心定已習已修已多所
作無處無容其心猶為瞋所纏縛若心猶為
瞋所纏縛無有是處謂慈心定必能出離一
切瞋縛問此中出離何所謂耶答瞋縛永斷
亦名出離超越瞋縛亦名出離諸慈心定亦
名出離今此義中意說慈心定名出離二有
具壽作如是言我於悲心定雖已習已修已
多所作而我心猶為害所纏縛應告彼曰勿
作是言所以者何若有具壽於悲心定已習
已修已多所作無處無容其心猶為害所纏
縛若心猶為害所纏縛無有是處謂悲心定
必能出離一切害縛問此中出離何所謂耶
答害縛永斷亦名出離超越害縛亦名出離
諸悲心定亦名出離今此義中意說悲心定

名出離三有具壽作如是言我於喜心定雖已習已修已多所作而我心猶為不樂纏縛應告彼曰勿作是言所以者何若有具壽於喜心定已習已修已多所作無處無容其心猶為不樂纏縛若心猶為不樂纏縛無有是處謂喜心定必能出離一切不樂問此中出

離何所謂耶答不樂永斷亦名出離超越不樂亦名出離諸喜心定亦名出離今此義中意說喜心定名出離四有具壽作如是言我於捨心定雖已習已修已多所作而我心猶為欲貪瞋纏縛應告彼曰勿作是言所以者何若有具壽於捨心定已習已修已多所作無處無容其心猶為欲貪瞋纏縛若心猶為欲貪瞋纏縛無有是處謂捨心定必能出離一切欲貪瞋問此中出離何所謂耶答欲貪瞋永斷亦名出離超越欲貪瞋亦名出離諸捨心定亦名出離今此義中意說捨心定名出離五有具壽作如是言我於無相心定雖

已習已修已多所作而我心猶為隨相識纏縛應告彼曰勿作是言所以者何若有具壽於無相心定已習已修已多所作無處無容其心猶為隨相識纏縛若心猶為隨相識纏縛無有是處謂無相心定必能出離一切隨相識問此中出離何所謂耶答隨相識永斷

氣五

七

亦名出離超越隨相識亦名出離無相心定亦名出離今此義中意說無相心定名出離六有具壽作如是言我雖遠離我慢不觀見我我所而我心猶為疑猶豫箭纏縛損害應告彼曰勿作是言所以者何若有具壽遠離我慢不觀見我我所無處無容其心猶為疑猶豫箭纏縛損害若心猶為疑猶豫箭纏縛損害無有是處謂遠離我慢不觀見我我所者必能出離一切疑猶豫箭問此中出離何所謂耶答我慢永斷亦名出離超越我慢亦名出離今此義中意說超越諸慢名出離六評根法者云何為六答謂有一類有忿有

恨若有忿恨便於大師不能恭敬供養尊重讚歎若於大師不能恭敬供養尊重讚歎即不見法若不見法即不顧沙門若不顧沙門便起染者輕弄闍諍由起染者輕弄闍諍為所依止令多衆生無義無利受諸苦惱由此能引無量天人無義無利諸苦惱事如是諍

根汝等若見或內或外有所未斷即應聚集和合精勤方便求斷無得放逸汝等應使如是諍根無餘斷滅如先未起如是諍根汝等若見或內或外皆悉已斷即應發起正念正知猛利之心精勤防護令當來世永不復起是為正斷善斷諍根如有忿恨若有覆惱若

有嫉慳若有誑諂若有邪見倒見廣說亦亦復有一類取者自見起堅固執難教棄捨若取者自見起堅固執難教棄捨便於大師不能恭敬供養尊重讚歎若於大師不能恭敬供養尊重讚歎即不見法若不見法即不顧沙門若不顧沙門便起染者輕弄闍諍由起

染者輕弄闍諍為所依止令多衆生無義無利受諸苦惱由此能引無量天人無義無利諸苦惱事如是諍根汝等若見或內或外有所未斷即應聚集和合精勤方便求斷無得放逸汝等應使如是諍根無餘斷滅如先未起如是諍根汝等若見或內或外皆悉已斷

氣五

八

即應發起正念正知猛利之心精勤防護令當來世永不復起是為正斷善斷諍根有忿有恨若有覆惱若有嫉慳若有誑諂如是一切皆如前說有邪見倒見者云何邪見答諸所有見無施與無祠祀無愛樂廣說乃至無自覺知我生已盡梵行已立所作已辦不受

後有是名邪見言倒見者謂即邪見所見顛倒取者自見起堅固執難教棄捨者云何取者自見答執我及世間常惟此諦實餘皆愚妄廣說乃至執如來死後非有非非有惟此諦實餘皆愚妄是名取者自見云何起堅固執答即由取者自見是故起堅執云何難教

棄捨於由於自見起愛樂等愛樂現前愛樂是故難教厭離解脫

六可憐法者云何爲六若於大師所及諸有智同梵行者起慈身業是名第一可憐法由此法故能發可愛能發尊重能發可意能引可愛尊重可意悅意攝受歡喜無

違無諍一趣復有苾芻於大師所及諸有智同梵行者起慈語業是名第二可憐法由此法故能發可愛廣說乃至無諍一趣復有苾芻於大師所及諸有智同梵行者起慈意業是名第三可憐法由此法故能發可愛廣說乃至無諍一趣復有苾芻以法獲得如法利

氣五

九

養下至鉢中所受飲食於此利養與諸有智同梵行者等共受用不別藏隱是名第四可憐法由此法故能發可愛廣說乃至無諍一趣復有苾芻諸所有戒無缺無隙無雜無穢應供無執善究竟善受取諸有智者稱讚無毀於如是戒與諸有智同梵行者等共受持

無所藏隱是名第五可憐法由此法故能發可愛廣說乃至無諍一趣復有苾芻諸所有見是聖出離能善通達若起作彼能正盡苦於如是見與諸有智同梵行者等共修學無所藏隱是名第六可憐法由此法故能發可愛能發尊重能發可意能引可愛尊重可意

悅意攝受歡喜無違無諍一趣於大師所者云何大師者一切如來應正等覺說名大師及諸有智同梵行者云何有智同梵行者者解憍障那乃至廣說是各有智同梵行者起慈身業者云何慈身業者與起俱行哀愍俱行所有身業此中意說名慈身業於大師所及諸有智同梵行者此慈身業和合現前由斯故說於大師所及諸有智同梵行者起慈身業是名第一可憐法者謂如是法是能隨順甚可愛樂長養端嚴應供常委支具資糧是故名可憐法能發可愛者謂由此法能發可愛能發尊重者謂由此法能發尊重能發

可意者謂由此法能發可意能引可愛尊重
 可意悅意攝受歡喜無違無諍一趣者謂由
 此法能引可愛尊重可意悅意攝受歡喜無
 違無諍一趣此中攝受謂令和合言一趣者
 謂趣一境一味現前如慈身業慈語意業應
 知亦亦以法獲得如法利養者云何以法獲
 得如法利養若諸利養不由矯妄而得不
 由詭詐而得不由現相而得不由激發而得
 不由以利求利而得然受用時無非生長故
 名以法獲得如法利養下至鉢中所受飲食
 者謂下至墮鉢中飲食尚共受用況餘財物
 於此利養與諸有智同梵行者等共受用不
 別藏隱者謂以法獲得如法利養是名於此
 利養若苾芻苾芻尼正學勤策勤策女近事
 近事女是各有智同梵行者以法所得如法
 利養應與有智同梵行者等共受用不應各
 別藏隱受用是名第四可憍法等如前廣說
 諸所有戒者云何名為諸所有戒若無漏身

氣五

十

業語業及命清淨一切皆名諸所有戒無缺
 無隙無雜無穢者謂於此戒恒隨作恒隨轉
 平等共作平等共轉故名無缺無隙無雜無
 穢言應供者謂諸有情有貪瞋癡名為給使
 若諸有情離貪瞋癡名為應供應受給使以
 衣服飲食卧具醫藥等常供養故言無執者
 謂聖弟子於戒不起若取若執善究竟者謂
 於此戒善守善護至極究竟善受取者謂於
 此戒殷重恭敬具足攝受諸有智者稱讚無
 毀者謂諸佛及弟子各有智者此諸智者皆
 共稱讚無訶毀者由斯故說諸有智者稱讚
 無毀於如是戒與諸有智同梵行者等共受
 持無所藏隱者云何名為於如是戒若謂平
 等戒平等戒者謂八聖道支中正語正業正
 命名平等戒與諸有智同梵行者謂解憍障
 那等皆各有智同梵行者等共受持無所藏
 隱者謂於此戒與諸有智同梵行者共一義
 利共一所趣彼此相似是名第五可憍法等

氣五

十一

如前廣說諸所有見者云何名為諸所有見
答若依出離遠離所生善法於諸法相諸簡
擇極簡擇乃至廣說如是名為諸所有見是
聖出離等如前廣說於如是見與諸有智同
梵行者等共修學無所藏隱者云何名為於
如是見答謂平等見者謂八聖道支
中正見名平等見餘如前說如是亦名六和
敬法

六通者云何為六一神境智證通二天耳智
證通三他心智證通四宿住智證通五死生
智證通六漏盡智證通云何神境智證通答
領受示現種種神境乃至廣說是名神境智
證通問此中通者何所謂耶答於諸神境所
有妙智云何天耳智證通答以天耳聞種種
音聲謂人聲非人聲遠聲近聲等是名天耳
智證通問此中通者何所謂耶答於天耳境
所有妙智云何他心智證通答於他有情補
特伽羅尋伺心等皆如實知謂有貪心如實

知有貪心離貪心如實知離貪心如是有瞋
心離瞋心有癡心離癡心略心散心下心舉
心掉心不掉心寂靜心不寂靜心不定心定
心不修心修心不解脫心解脫心皆如實知
是名他心智證通問此中通者何所謂耶答
於他心等所有妙智云何宿住智證通答能
隨憶念過去無量諸宿住事謂或一生乃至
廣說是名宿住智證通問此中通者何所謂
耶答於諸宿住所有妙智云何死生智證通
答如明廣說云何漏盡智證通答亦如明廣
說

十二末

說一切有部集異門定論卷第十五 氣五
情音隙音隙音隙音二矯音妄音詭音詐音上音過音激音擊音

莫大德年歲災旱育青壽緣劫末感經錄管五八 謹題

刊字作頭何處 沈法遠 徐維 局司馮 音

磧沙延 聖寺大藏經局沙門 德華 妙業 寔力
磧沙延 聖寺大藏經局沙門 志琛 清表 對經
磧沙延 聖寺大藏經局沙門 惠朗 提調

助緣提綱經局前海鹽州僧正惠明修證大師

志願

平江路嘉定州保安報恩禪寺住持沙門

志瑤

平江路磧砂延聖寺首座兼管經局沙門

志明

平江路磧砂延聖寺住持兼管經局沙門

志蓮

前江西吉州路報恩寺官講所開演沙門

克己

陝西鞏昌路廣嚴禪寺講經沙門

義瑤

陝西秦州觀音院講經律論持衣沙門

海雲

宣授住持平江路開元禪寺佛慧圓照大師

季莊

行宣政院所委官杭州路天澤院孤巖居士何

敬德

行宣政院所委官真定府石佛寺住持沙門

普德

勸緣掌局德善宣政院所委官前松滋僧贊揚師

管美

勸緣都功德主滎祿大夫中書省左承張

問

點對

校證

校證

校證

校證

阿毗達磨集異門足論卷第十六 氣六

尊者舍利子說 三藏法師玄奘奉詔譯

六法品第七之二

六順明分想者云何為六 一無常想 二無常苦想 三苦無我想 四馱食想 五一切世間不可樂想 六死想 此中五想如成熟解脫想

乙

仲良

說云何一切世間不可樂想 答世間謂五取蘊即色取蘊乃至識取蘊有諸苾芻於五取蘊以有思慮俱行作意審諦思惟以有恐懼俱行作意審諦思惟以不可樂俱行作意審諦思惟以不可憍俱行作意審諦思惟彼於五取蘊如是思惟時諸想等現前等想已想當想是名一切世間不可樂想問何故名為順明分想 答明有三種 一無學宿住智證明 二無學死生智證明 三無學漏盡智證明 由前六想令此三明未生者生已生者增長廣大故名順明分想 六隨念者云何為六 一佛隨念 二法隨念 三僧隨念 四戒隨念 五捨隨念 六天隨念 云何佛隨念 答如世尊說 苾芻當知有聖弟子於世尊所以如是相隨念 諸佛謂此世尊是如來阿羅漢廣說乃至佛薄伽梵若聖弟子以如是相隨念 諸佛見為根本 證智相應 諸念隨念 別念憶念 念性隨念 念性別念 念性不忘